

Fel rhan o'r prawf MOT, bydd eich cerbyd yn cael ei brofi am allyriadau mwg.

Mae hyn yn helpu'r amgylchedd trwy leihau llygredd gymaint â phosibl a phrofi pa mor effeithlon yw cerbydau o safbwynt tanwydd. Mae hefyd yn eich helpu chi trwy sicrhau bod yr injan yn gweithio'n iawn ac yn lleihau gwastraff. Felly...

Ni ddylai prawf mwg diesel eich gadael dan gwmwl!

*Asiantaeth
weithredol o'r
Adran Drafnidiaeth*

Sut y profir am allyriadau disel

Lluniwyd y prawf yn y fath fodd na ddylai achosi difrod i'ch injan. Bydd y profwr yn archwilio hanes cynnal a chadw eich cerbyd drwy ofyn rhai cwestiynau i chi. Rhaid i'r profwr wrthod profi eich cerbyd os yw'n credu y byddai'r prawf mwg yn achosi difrod i'ch injan.

Rhowch wybod i'r profwr os ydych yn credu y gallai'r prawf mwg achosi difrod i'ch injan.

I leihau'r posibilrwydd o ddifrod a chynyddu'r siawns o basio, dylech:

- ▶ gynnal a chadw eich cerbyd yn rheolaidd
- ▶ newid belt gyrru'r camsiafft ar yr adegau yr argymhellir
- ▶ gofalu bod injan eich cerbyd wedi cynhesu'n llawn cyn mynd ag ef i gael y prawf - bydd yn creu llai o fwg ac yn fwy diogel i'w brofi
- ▶ peidiwch â chwarae gyda gosodiadau dyfais mesur a rheoli cyflymder yr injan. Maent wedi eu gosod i sicrhau bod yr injan yn rhedeg yn effeithlon.

Nid oes gan yr orsaf brofi hawl i ofyn i chi lofnodi ymwadiad. Ond, gallwch lofnodi'r cerdyn hwn i ddweud eich bod wedi darllen ei gynnwys.

Y prawf

Ar ôl gwirio gwres yr olew i sicrhau bod yr injan yn gynnes, bydd y profwr yn cyflymu'r injan o segur hyd nes y bydd y ddyfais reoli'n torri i mewn hyd at 6 gwaith. Ni fydd eich injan yn cael ei rhedeg ar ei chyflymaf am gyfnod hir. Os ydych wedi bod yn cynnal a chadw eich injan, ni ddylai'r prawf achosi difrod i'ch injan.